

西浙泉厓邵先生詩集

西浙泉庄邵先生詩集卷之九

西蜀門人鑑塘周倅梓

西蜀門人蘭谷郭禧校

一泉兄携遊雁山思江山圖開晚更宜舟楫雲平華頂月  
秋風吹動雁山思江山圖開晚更宜舟楫雲平華頂月  
乾坤景盡石梁詩青楓白菊迎仙旆玉斗瑤河漾酒卮  
何謂南州應太史烟霞筆札遠相期

次會江驛用孫南江臨同韻

富春斜日爭雙軒高節幽懷弔此村秋入平沙開赤岸  
山廻故驛見青門客來不盡風前景鶴去空招石上魂

急聽玉簫吹鳳曲好將詩句報黃昏

會江江濶浪花重開瀟中流自在供短髮寒雲秋作主  
越琴羌箏婉相從得時鷹隼方高趨隔水芙蓉亦冶容  
風景滿前津不寐月明灘下寄詩踪

北風旅鴈度河梁影入平沙夜有光此日一尊吹短髮  
三江萬里下清霜郢中詩句誰能答海上仙山意不忘  
愁絕感深生遠興高天落木倍淒涼

江上見雲影依山如飛如綴感而賦此

游雲颶曳傍山隈客子中流百重回生熊忽驚開日月  
浮陰迅速走風雷千巖萬壑明難定倚石迷花斷欲迴

幸不長遮雙鳳闕高江何地覓三白

桐君臺

深秋木落響桐臺雙鶴寒雲特地來  
滾滾風波愁日暮娟娟江月爲君開  
青山不分遊麋鹿芳杜空憐蔓草萊  
我欲行吟向煙壑納常千古此中裁

馮公嶺

懸厓飛瀑漾晴嵐百折千盤路未諳  
長劖倚風吟自得明珠入掌唉誰探  
塞門不管梅花老山館空憐木葉酣  
不是胸中有豁徑行人到此幾停驂

山田子疊形如懸磬勢如緣梯不啻萬頃而  
韌聲

四起余感而賦此

萬山堆裏開阡陌澗道斜飛下石潭遙樹入雲懸不斷  
全缺半折巧相參斬連天外村村急鳥足霜前粒粒甘  
此日勝遊還徙倚當歌休唱望江南

飲南明山題名千里亭簡謝党頴東兵憲

絕頂南明見小亭客來登眺必湏經九秋楓樹千山赤  
百代人龍雙眼青酒過葉心風味好苔侵石面墨花腥  
槎迴倒逼長河水只尺光搖漢使星

江心寺二首

晚潮橫浦正愁予曉日開山與不孤小棹平飛雙白鳥

清江倒入兩浮圖花宮隱隱聞仙梵水殿溶溶見葢珠  
明坂依先眺望風塵那得到蓬壺

西江入夜抱潮還絕壑開林特地偏珠樹月明樓野雀  
戶秋冷繁青蓮謝公詞賦空文藻文相孤忠在簡編  
子古同聲各祠像可能參對說生前

遊東西天目山二首

康樂舊風流春草池塘野興幽盡日東山經鳥道  
依然高駕探龍湫霞光反照千峰夕詩思平分萬頃秋  
歸計西天更形勝匣琴囊劍共追遊

天垂宿下來晚迢遙西山復此行耽句豈緣愁杜甫

遊應不媿長卿雲坳酒日岩花落風磴凌空石筍生  
爾瞿鳴說幽寂鳥啼猿不勝情

食蔣南冷守南寧

溪今夕繁樓船京國鳴珂憶徃年極浦銀蟾離瀚海  
一簾清影照華顛蒼梧草木懸新雨丹陛雲霄隔遠  
前席定知明主意漢廷共說賈生賢

次介軒夜飲所憩亭有懷五川楊子

尊明月高人共古今乾坤幾唉歌簾外芳香花雨飄  
前短吹笛聲過孤飛夜鶴來高樹長駕春星度遠洞  
對有懷渾不寐露華搖落曙光多

侍大峰翁野寺觀潮和一泉兄韻

八月秋高風露寒，藤枝竹篠蔓蘭干。  
潮頭白馬來何晚，江上紅旗浪自歡。  
杖屨百年詩力健，墳巖一曲酒杯寬。  
臨流莫訝漁舠穩，萬里波濤底樣看。

江洲雪行

水激風號江不流，凝雲妬雪天悠悠。  
九霄色動清虛府，萬里春成白玉樓。  
小苑闌干飛不定，窮簷車馬凍難收。  
河橋柳眼應回綠，只尺新波下御溝。

艾峰姜山陽北上留別

六月江臯風力微，翛然小閣動清暉。  
使君報政經過遠，

齊漢承恩去住稀兩地鍾聲天外迴隔簾草色雨中肥  
他青瑣應相憶淮海春深花自飛

北江聞人寶應行取秋夜話別

三晉雲躍日開烏府九鵠翔風上玉京自信夔龍鳴聖  
名翻憐淮海失陽城烟花逆棹秋千里松月撩人月一  
枰此別不須多悵望長安春早杜蘅生

送總戎楊容堂致政南還二首

咸陽門外不聞笳細柳營中早建牙萬里風塵悲去馬  
百年身世信歸鴟金陵城郭雲初合采石江臯月正華  
自是君恩酬未得肯教方叔老天涯

少壯頻番財虎符白頭還喜掛金魚春風荏苒廻宮草  
夜鶴樓遲伴使車漕政十年心未老閒身此日意何如  
龍江牛首堪乘興瀟洒無妨問索居

元日壽楊莞湖通政

朝來萬國朝元日莞子湖頭得氣先北斗九天開壽竿  
南山一曲獻華筵瑤奩碧草春常注柏葉椒花暖更便  
千古千宣維獄降長生何必羨莞年

寄渟留別毅齋劉獻卿獨山邵大叅各來韻二首  
江閣浮槎舊此遊劫來花鳥倍清幽雨沾石骨苔痕淺  
風淨亭心暑氣收國北壯懷經歲月淮南詩句尚淹留

隔林新月偏來照一曲歌終興未休

十載低垂揖孟郊三江津樹過星輶  
新篇筆落繁雲葉長夏情牽多柳條  
封石孤亭悲往事分枝南國認先朝  
相逢莫惜花前醉明日帆聲急夜潮

送芝峰劉世光迎養汝南

草閣春深花滿川故人風致尚依然  
一番桑李經新雨十載松杉隔舊烟  
夢入北堂心獨往唉回南浦月同圓  
汝陽秋早多鴻鴈嘹唳聲高急暮田

午日送許竹居令崇用韻

竹居繹閨人也尊君宦遊生竹居于寄亭故云

煙花萬里不舟航野簌村沽唉舉觴黃鸝雲霄堪共翦

綏麟亭館未全忘榴英節破紅綃障楊葉情牽金縷裳  
明日郊居春水足湖波只尺接天長

壽熙臺潘中丞一首

十年北闕看紅藥此日西莊飯紫芝自信淵明渾漫興  
須知安石繫長思瑤柂張暖春心老華月天高雀影遲  
爲報靈椿無限祝綠衣那得酒同卮乞言熙臺爲老子  
壽適值壽期故云

泮泉海石二錢子赴春試和韻

曲江三月花正開神魚拔浪搏風來此時遙瞻白玉陛  
翛然同上黃金臺文章爲說小坡好忠義還竒大宋才  
聖代百年惟養士甘泉獻賦不須猜

壬辰江浦朝元

三年臘送淮河水萬里陽回北地春閭闕霏微瞻鳳輦  
雲霄彷彿覲楓宸鍾依曙影聲初落袖裏霞光色未勻  
拜罷更深天保頌宮鴉飛拍柳條新

寄亭和約齋周上丞韻

二月望日風色好花飛葉密春陰深扶乘初日上朱箔  
江館流豐開素琴坐見韶華且對酒忽聞時事空沾襟  
高齋筆札有餘興天際煙雲成古今

李中溪寄酒不至僉簡

折簡當風取次開江亭長憶謫仙才白衣不會董花約

清夜何孤綠酒杯明月此時看共滿故人千里嘆應廻  
西湖蓀苒多春草何日重登湖上臺

劉毅菴惠鯈因憶陳茶丘戶部

去年魚美情不釋今歲烹魚魚更鮮宦滋鄉味子流轉  
海水天風吾獨憐舊好每尋涼月下新篇還到大江邊  
只看孤鶴留玄影常伴山人埜興便

尋春

曉起尋春春可憐緩煙疎雨下江干隔林好鳥語初歇  
傍水埜花開未闌北國香塵堪試馬西湖高柳漫樓櫓  
東風荏苒還流轉明日明年依舊看

叙別劉毅菴倉部

寄守亭前月到時好風吹動綠楊枝三年草閣感新別  
此日雲山塵遠思竹密不妨啼鳥恨水深難上釣魚絲  
多君愛我同官好短酌長歌有所期

別韋性甫清秦伯優仕學二子于平秦郵舟中

寶應湖邊茭草長晚風吹綠過江鄉輕帆欲下南州鶴  
野水平分北路航應物風神多器重少游逸思足才良  
雲霄指日堪乘興萬里雙飛慰所望

南歸過崇許竹居留飲索和卷中韻

淮清十日到山家山月初輝山更花月色更憐遊子鬢

花枝偏笑使人車  
新秋千里雲同遠  
好雨三江夢不除  
勾漏主人有仙骨  
相逢即爾問丹砂

省墓

三年不拜玉泉山  
千里關心夢未安  
淮北月明憐去鳥  
湖西雲遠泣回鸞  
即看巢閣乘春住  
喜見松濤入夜寒  
慈氏仙踪何處在  
靈源空咽下平湍

九日登高

西子湖頭秋日薄  
南高峰下晚雲從  
黃花綠酒笑誰共  
絕巘危椒青復重  
已訝匡廬笙鶴駕  
忽思陶令煙霞蹤  
美人谷口失去路  
草色長陂憐短筇

飲峽石北山小閣兼簡聞聖謨陳橫洲諸是

天外紅雲傍日流尊前綠酒向人醸十年未覺看花約此日同深爲國謀北海祥光春不斷西山佳氣夜應浮楊雄自有凌雲志何待河東屬薦籌

飲破樵樓橫洲辭去因簡澹泉年兄

朝瞰樓閣對蒼山夜雨登臨啓笑顏遠客不辭千日醉故人偏向隔溪還寒雲斷鴈聲先度野嶼孤梅花自班聞說澹泉肯終老紫芝紅藥未開關

過澉浦訪杞山給舍澹泉駕部阻雪陳氏宅三首

茶湖遙夜澉西湖西風雪離披失路蹊杞老舊山雲未淡

泉郎高閣樹應迷孤舟短酌雞聲早澹月殘蘆鴈影低  
曉起尋蹤問行色不妨拂石漫留題

路入青通生暮煙孤帆旅客寄行橐不緣風雪來天末  
曾得雲霞落座前酒醉漫乘王子興月明還上剡溪船  
盈盈一水遙相望千里懷人更惘然

大風墮浪君莫行大雪迷人山更明隔岸漁舟不得渡  
半江詩夢應難成已訏洞門啼鳥盡轉愁林麓寒雲平  
高齋灑落卧知已何日相看終此情

北村張長偕予謁鳳山翁因以惜別

當國元臣歸鳳老生平知己見張郎聯舟問訊春風動

別諸分携江路長尊酒且憐遲日暮燭花還伴過林塘  
明良百代占殊遇更許同心署有光

龍駒篇吊小山秦子

秋風此日嘆龍駒汗血當年驥不如百寶粧成燕市重  
千金價就冀群虛翛然鶴馭辭仙仗爲解塵纓謁帝居  
神物未應歸化盡還看蹀躞下階除

風雪渡江簡謝宋仰山侍御

長風吹雪過江臯江上寒聲急暮潮唉指金山廻玉樹  
即看瓜埠度丹霄帆檣搖落鄉心遠牙角光芒氣渺渺  
喜有故人持繡斧不煩戒備坐相邀

明海吟爲定齋王中丞賦

昨遊明海望靈山  
山外浮雲盡日閒  
千歲桃花春不老  
孤飛黃鶴夜常還  
何人坐見安期子  
此日相邀天路間  
更歷丹丘與玄石  
好尋仙藥鑄童顏

春日呂梁蔣子東瀾過舟招飲

長風初日石梁斜  
草色新年上軟沙  
仙珮光隨滄水使  
酒帘青見野人家  
登臨不厭招提遠  
悵望應憐驛路賒  
猶說當年同躍馬  
曲江楊柳暗成衙

元夕西林劉部長張讌沙河驛

銀缸小揭玉繩低  
客底良宵望不迷  
水部風檣花競發

驛亭煙樹鳥驚棲  
歌深亭曲淹尊酒報  
急更籌亂鼓鼙  
回首湖山天外市  
萬家燈火爛雲齊

遇濟上飲君子軒

君子軒前春日光  
竹枝蓮葉相芬芳  
紅香露立楚雲濕  
翠珮風稍湘水長  
蹊路初逢足喫語  
美人此別遙相望  
何時得共天涯遠  
夜雨琴尊閒草堂

鄒九峰遠棹詩舫夜遇用韻

滄浪一曲杳難忘  
北路三江去轉長  
短髮蕭疏踈憐月  
孤帆颺曳信風翔  
沙鷗出水衣裳濕  
野鳥經春花蕶香  
客裏逢君重相賞  
詩篇應識舊山堂

瑞嚴張邑博晉登州夜過疊前韻

何處鄉山意未忘月明千里覩魂長西湖好雨花爭發  
北路寒雲鶴共翔海上樓臺看不盡春來芹藻自生香  
九峯相見亦相惜筆落風煙空草堂

三月念二日對酒感懷

雨過沙潁春草生春風日日換春情桃花落云渾流水  
布谷年來勸早畊物態韶光愁易擲青尊華髮恨難平  
好尋舊約開新社莫向波濤侈姓名

送平埜張戶部榷吳門關

秋風淮海漫論情春草漳江復送行和靜祠高雲欲澍

姑蘇臺古月無聲黃金不改千年色白璧還看此日盟  
把酒問花君記取更於何地說平生

送台峰李倉部還京三首

漳河之滸雙蘭橈赤日黃塵悲市朝緩煩三更月點點  
分杯四月風蕭蕭江頭碧草望不極谷口流嬰空見招  
回首故人肯憶我晚來詩夢坐相邀

風淨泉亭暑氣清雨餘芳草怯愁生楸枰一局尊前別  
羌管數聲江上橫楚客自憐千里月燕山遙傍五雲城  
青葱楊柳垂垂見何得長條繫短情

白水蒼煙浮野洲草堂嘉樹獨淹留天涯坐見長庚窟

濟上遙看太白樓，感慨風花星鬢曉。瞻依宮禁玉京秋，  
長安底似閑，情極乘興何年間遠遊。

閬泉川張南溟張夏山三憲副賀萬壽用韻

十年藻思窺青瑣，一道風聲樹柏臺。棹發錢塘花外雨，  
唉回漳滸月中杯。天開王宇長庚見，露浥泥銀璧上寵來。  
知子有懷金鏡語，好看宣召出蓬萊。

聖皇迪壽同堪輿，臺臣嚴晨朝太虛。十日驅車此京國，  
千秋獻頌今。唐書紅雲冉冉望不極，涼月蒼蒼憐索居。  
玄鶴長風更憶我，頻年出署云何如。

武夷山遠雲常白闔闕天高日正中，香霧氤氳瞻紫極。

長庚隱約動青宮中朝不惜殊恩寵方國從看此會同  
之子金華有仙學鳳池留取訊玄風

二峯周節推泉館話舊兼簡洛原白祠部

十年同棹曲江舟泉館逢君說舊遊孟瀆雲深疲馬恨  
潞河風折斷帆愁推評喜見南州蹟獻納應紓北國憂  
爲憶洛原勞問訊天涯何日共登樓

立齋錢刑部署留都

越上故人移白下泉亭隱約見神京平刑終古推張釋  
作賦當年說禰衡露浥長河仙舸動風閒短笛客心驚  
相逢莫惜深杯酌明日江頭春草生

壽慈泉沈翁因簡少泉大行歸省

清秋月色淨簾櫳玉節金函出禁中馬首太行雲不深  
花枝韞曲酒常紅烏紗入感瞻宸極白髮當歌識社翁  
我亦思親寄瑤草憑君千里賞心同

壽草川尊翁劉封丈和蓉川齊憲伯韻二首

聖德通玄開少海前星啓彩結佳闈九天露浥河山潤  
萬國風酣草木肥大老喜從新命服長庚偏照此恩輝  
黃花綠酒人常共烏帽簪纓意不違

清泉今見老萊衣歌舞筵開啓壽闌節後尚花黃菊瘦  
山中無藥紫芝肥北溟水擊秋先漲南極天高夜有輝

我獨瞻親千里外六橋煙樹漫相違

癸巳重陽登大寧閣用壬辰登高韻

九日登樓望遠峰遠峰迢遞白雲從空江木落黃花瘦  
絕塞天高雁影重對酒百年渾浪迹放歌何處亦仙蹤  
湖南杖履人常健千里秋風憶短笛

送羅溪王大夫還朝

春風吹暖喜從兄秋月生華兄復行衛水無愁流不斷  
燕臺長望夢還驚明霞翠柏有真味白璧黃金深此盟  
更荷九天新雨露一官同拜大夫榮  
丹鳳樓頭曉日升宕渠郭外晚雲平一封初下青宮諭

萬里應酬烏鳥情寶婺光芒齊北斗彩衣朝夕想南征  
春風楊柳年年綠他日相看花轉明

衛水灘頭放客船初冬風日倍淒然庭前芳樹更新綠  
階下黃花散小園千里分枝同悵望明朝別酒重留連  
相期立馬天王地回首清塵覲紫煙

虛窓陳中丞自雁門歸爲賦高雁篇惠雙鶴再賦  
玄鶴篇俱來韻

清秋高雁下平田塞北關西憶舊年千里雲霞看健翮  
一番冰雪度遙天黃龍城下闖先破玄武陂中機可憐  
月白沙明還自舉汀花江草倍生妍

玄鶴冲霄意未休偶來泉館一淹留風塵瘦影聲同遠  
湖海閑心病已瘳媿我敢從缑氏約思君獨上漢陽樓  
三山回首多仙侶萬里須乘汗漫遊

元日葦齋觀梅

羅浮山下貯冰魄姑射仙人別有村萬里東風臨盡戰  
一天香霧伴黃昏紅粧點綴闌干曲素影低回釀酒尊  
切莫樓頭羌笛好春色滿乾坤

遊春書院識集

風雷堂上沸笙簧童冠遙聯劍珮行座狎魚龍堪共戲  
春催桃李倍生香青陽喜結千門綵玄雪還占萬國祥

物阜才賢獻明主不妨暫醉翠圍場

十五夜石汀王侍御張謙演武臺觀火戲

清泉官渡逢元夕鼓吹平臺坐月華頃刻仙葩零碧落  
三千火騎掣金蛇天開霹靂聲初下煙鎖浮圖移轉賸  
塵世百年俱幻忽玄機此夜漫誇遮

十六夜謙東庄金憲使宅觀燈過大寧寺

思家散步通宵月卜歲常自此夜燈萬里清輝同謙賞  
六街香霧半瞢騰調轡初罷釣天曲法鼓還參最上乘  
風淨更闌高閣望寶花搖落露光凝

夜讌賞瑞香和劉雙泉地卿韻

百指花開千日香東風兩樹月明堂臙脂淡抹春深尚  
蘭麝旋添夜半粧錦瑟聲希迷楚望覽裳曲盡怨瀟湘  
美人音別江南遠尊酒今宵北路長

別劉阜川倉部因以感懷

余歲前轉易服正郎奉命查理艱務不得行故云

臙日梅梢傳信息春深猶自抱寒香即看燕子來新社  
又見東風別草堂客裡送行飴滌淚天涯懷舊轉淒涼  
漳江衛水雲難住回首昭陽依日光

君恩寧養爲石汀王侍御題

三年勑史吳山遠千里思親衛水長短疏幾陳紅日下  
高樓頻望白雲旁歸來烏鳥情方浹老去萱花開更香

風靜簾閒春正好不煩宣召出明光

試易水諸生至清心堂雨後見志

清心堂上洗心時洗去新埃覓故知檻外紅酣香入座  
雨餘陰老綠臨墀五經日月天常淨萬里風雲會未遲  
珍重諸賢各努力荃蹄何足繫長思

三試思及清泉諸友

我來易水不一月三試諸生皆散中翻思東郡有奇氣  
忽訝燕山多古風珠璣腹內夜發彩造化筆底天無功  
即看挾策獻天子誰復金臺萬首同

錢繫舟王曹長于易城之惠泉樓

交承喜接王文度長夏分携短劖催把袂且聽松子雨  
投壺拚醉藕花杯不彈千古荆卿淚須惜當年郭隗才  
同上西樓望東渡黃塵白草蔓荒臺

夢拜母氏墓覺而賦此中有夢中語

山館良宵遊子淚夢魂千里酒松楸飛飛野鶴尋常度  
咽咽明泉不斷流月色可憐依枕畔雞聲偏恨到床頭  
覺來極目天南路北國風寒易水秋

山齋記夢有作

昨夜夢占男子祥纍纍膝下漫分行秋來月滿珠生彩  
谷口春深蘭發香積德百年知有地思親千里報難忘

斯干兆此卿須記他日相看金鳳皇

飲玉華臺間訊黃潭駕部時事有感

落日輝輝煙靄光秋風倏忽吹羅裳臺高隱見黃龍窟  
酒盡驚談石虎岡伏闕先朝誰涕淚接荒何地更攀  
當相期好共南山下雨過春深芝草香

七夕坐雨有懷二首

風雨山亭乞巧時天孫舊恨繫新思金闈未稅河陰駕  
玉筋先垂漢曲卮瓜果何緣深纏綿妻孥聊復拜庭墀  
收回鍼線從吾拙明日明年會有期

四十二年當此夕桑弧蓬矢記吾生而今華髮星霜改

何處茲焉感慨允許國一身輕若寄思家千里夢遠驚  
巡簷索共兒曹語不問山城風雨聲

荆軻山

曉日登臨思往昔秋風鼓角動悲傷秦讐未報荆卿死  
燕恨空隨易水長天際黃雲迷遠塞尊前寶枕下長廊  
故山草木猶生色擊劍當年意不忘

錢獻齋紀倉部還京

野寺秋風尊酒過晚雲飛處醉顏酡燕闕萬里重儲重  
易水當年感慨多送子河梁瞻去馬還朝恩寵度鴟  
珂驚寒鴈陣來山谷不惜音書慰薜蘿

四柳臺中秋翫月用馮西屏司空韻

待月河陰星文寒香分半臂未銷殘秋心遞莫牽仙袂  
夜色翻宜照法冠忽有銀蟾隨地起喜同玄鶴傍雲看  
燕臺剩有瑤華什絕勝秦樓雜珮珊

見月倒上韻

雲璈霞珮聲珊珊入河搗藥時相看嫦娥不寐向丹闕  
白髮無愁空皂冠故園叢桂秋且老客路酒杯宵未殘  
小壇勝事爲誰紀他日重來黃菊簪

十六夜開尊更酌奉答西屏用前韻

瓊樓何處倍高寒萬丈靈光曉未殘移席亭亭乞野酒

放歌天外尚彈冠昨宵勝賞中秋月一夕難同別樣看  
四柳主人能愛客七松野客任闌珊

西山舊有約各以公務弗可偕抵祈溝道中遇沙

洲爰止公所以僕曰石二首

一鞭官騎颶晴沙路出癮臺無狹斜天上璽書瞻日  
月風前旗幟飈龍蛇不緣採訪供玉國曾得尋遊  
物華忽報西來徐給事秋鴻何處曳明霞

青山有約晴多興瑤草無愁秋更繁隔水芙蓉潭自醉  
趁人鷗鳥漫相喧驚傳冠蓋呵前隊不負登臨駐小軒  
明日白雲深處路三星光近紫微垣

曉行

煙霞擬結遠公社山水應喧中散遊露下草根沙磧  
月明樹杪塞垣秋怯寒不惜征衫薄得句還憑浪眼酬  
何日請留雙玉鳥好從青海問丹丘

白石塘候白石不至

白石山人來不來路逢白石山均開青霄有約鶴欲下  
錦樹無風秋自哀花鳥江頭昔汝共松蘿谷口今誰猜  
停雲挂節一騁望芝駕遠登何處臺

長清道中聞白石至志喜

長瀟停驂張午炊風塵撲面悲路岐報道故人出谷田

東屋詩卷之二  
脩然高蓋來天涯張華自信雙龍劍韓愈驚鏡上鳥詩  
莫把閒情盡詞賦百年青髮易成絲

雲卧山房賦古松分韻得雲字

月下登臺夜未分蒼松屹立迥難群秋聲忽捲千山雨  
月色遙連萬壑雲蕙有高賢叨共賞可無詩句漫相聞  
春花搖落知多少羨爾昂藏出世紛

偕白石遊西山和衡山入山韻

寒花小草撫關情路入西石眼闌明翠壁丹厓千障合  
倉曹水部兩難余官閑暫得煙霞味心遠遙聞鐘鼓聲  
五日蹠蹠出城郭攀林階閣夢中行

出弘光寺

寶峰睡起暝欲曙下榻束帶天暉暉青牛白馬去復返  
盡省仙郎遊未歸落盡繁花天路濕劫來芝草秋風肥  
出寺拂袖覺酒脫簪笏淹我山中薇

功德寺

望入西嵒紫氣生宣王曾駐六龍旌松摶高蓋和烟  
濕澗曳長虹入漢明錦簇莊嚴遺寢在天開宮殿御  
階平可憐輦路繁秋草愁絕維摩鍾磬聲

冲陵謁感

形埋雲鎖石龍床綺襲琅函紺殿香聖主有恩生海

字小臣無計啓泉堂可憐靈寵歸天上謾說春秋入夜長一日風光百年事此身猶幸托君王

香山寺再和衡山韻因簡宗林僧二首

翠微欲上晚煙迷委珮長裾手自提鳥去隔林驚塔梵龍歸別壑怯山梯雲牙故向中天出石罅旋窺下界低老衲無緣詩句在臨風相對爲留題

香爐峰尖狹夜啼客子秋風思故衣薜蘿倒掛鵠一下洞石低垂雲未歸最愛湯休多麗藻翻憐惠遠得飯依袈裟錫杖隨緣結越嶠吳山空蕨薇

下山

踏遍蒼苔下翠微星槎雲帳欵朝衣千盤壑控金銀氣  
十日心忘魚鳥機清禁交龍天闕迥高秋車馬塞垣肥  
歸途指點煙霞跡落日晴窓興不違

歸途謝別白石因簡沙洲

與君忽作西山遊西山十日遊未休長雲不斷紅塵夢  
暖日遙憐碧樹秋谷口泉聲撩去珮山陰月色下扁舟  
徘徊歸路翻多興謾說當年王子猷

九日偕北盤登黃金臺賞菊限韻二首

昨夜秋風生怒濤今朝曙色上征袍燕臺喜共黃花老  
杜曲誰憐詩思豪破暝平林雙鳥度驚寒高鴈亂雲搖

東坡集卷之二十一  
宋蘇東坡詩集  
茱萸早解昇仙術那復千金幸所遭

燕城吊古

召公辟國四十里易水長城舊有名繁華過眼總塵土  
今古傷心誰世情漠漠平沙天際闊依依衰草隴頭橫  
當年風氣可蹤跡黃霧紫煙朝暮生

菊

我愛黃金臺上菊高枝密葉涼雲翻風來隱約環珮軟  
露下點綴珠璣繁忙底春花苦爛漫好從老圃祛塵煩  
閒心若箇陶靖節把翫年年秋日暄

臺上沈村張水部偶至共溪徐沙洲憲副有懷

黃金臺上晚煙斜。坐起還看黃菊花。蝶翅蜂香撩客思。  
溪雲山月自年華。高人欲下南州榻。仙使剛旋漢水槎。  
此日風前頻悵望。閒情何處泛流霞。

白石晚過論文約候鴻山館長和來韻二首

趙客軒車來遠道。燕山杯酒向中宵。十年彩筆俱文藻。  
萬斛明珠未寂寥。館閣音書鴻鴈近。天涯風露夢魂遙。  
翻憐立馬看涼月。錯認啼雞報早朝。

暖風妬雪涵晴渚。蒼佩和煙度野宵。西瀼即今陪畎詣。  
南華何處覓參寥。山中習靜機心息。谷口回春雲路遙。  
矯首玉龍翔紫極。羨君金馬駐清朝。

次南河徐侍御西巡韻

九關梯棧相勾連繡衣驄馬行三邊戍鼓秋防塞塵遠  
胡笳夜急河水堅即看漠北苑白草回首燕南生紫煙  
露冕經過尊酒共星華搖落高雲天

次白石西巡韻至前二日也

君回關塞衝寒雪我拾瑤華散曉煙萬里江山開朔漠  
百年衷夏共雲天葭灰得氣迎先至官線含情結後緣  
何日相期同躍馬春來啼鳥落花前

至日東譙燕集白石北盤沙洲三子

山城至日共登樓指點蒼嵒晚更幽地底龍蛇欣欲蟄

天涯鳥雀喜相求梅魂入夢偷春信雁字驚寒寄遠愁

遮莫尊前紀雲物年來萬寶賀全收

至後燕興國寺再侍三君子即事

山中靜僻偏多興至後從容數舉杯絳節喜傳先臘信  
緋袍故向曙光開龍搏高蓋空禪影虎視中原憐漢才  
千古英雄遺像在月明常照雨花臺

上列閻雲長諸像故云

孫氏園題竹

秋來看竹閑三逕冬至分杯還一簎月影當庭金瓊碎  
露華布葉玉玲瓏寒心苦節冰霜慣清吹閒雲笑語同  
回首春風思鄭谷鷓鴣聲裏萬花紅

至後燕集王北盤乘龍軒

九天月射城南雪萬里陽回逸少家晉代風流淹散帙  
燕山簫鼓急催花飲連河朔春心淺笑浹冠裳夜影斜  
不去林陰飛鳥雀即看谷口逆龍蛇

梅郎郊曹長索題先子憶蘭卷

何處秋風蘭發香姑蘇千里接瀟湘江頭翠佩真堪納  
谷口朱絃祗自傷水殿夢回人滄浪青衫愁絕月蒼涼  
叢芳地下無消息蕙葉階前多寵光

送潘溪泥參藩之北盤山庄分韻得臯字

遠客驅車朝帝闕寒汀汲水試仙毫簪虛初日穿蒼

賓野曠涼颸掠絳袍驛路琴尊歌吹簇春城環珮夢雲  
極燕山野鶴遙相憶何日罷聲出九臯

潘春谷奉 命歸娶王菴襄孫兼省太夫人用韻  
早辭丹鳳承明旨夕駕蒼虬出帝居上谷洞簫聊  
去住汾陽錦瑟重躋躇王孫坐月憐司馬潘岳乘春奉  
板輿宇宙百年占比翼雲霄萬里盼雙魚

爲肖山崔給事先君雙挽

榆次縣前花滿林蠡吾門外柳成陰百年遺愛羊侯碣  
兩地聲華宓子琴鶴馭夢馳青瑣近龍章心慰夜臺  
深蕭蕭慈竹憐寒雪宰樹風號恨不禁

月夜詩集卷之九  
十一  
除日日下見雪

春到山城歲未除  
曉風吹雪漫蕭疎  
晶晶停日花難歛  
脉脉沾衣絮不如  
萬國朝元饒劍珮  
九農卜穀自犁鋤  
徘徊立馬臨丹壑  
頃刻高天平翠渠

乙未山城朝元

六年使節迎新歲  
兩地朝元作上賓  
性底東風淹水部  
翛然玉珮動香塵  
紅雲隱見官前柳  
白雪平裁臘底春  
歌舞即看占嶽牧  
嵩呼何以覲  
楓宸

和白石元日雪霽試筆

臘去春從雪後歸  
岸煙村溜帶晴輝  
霞管樹宛千花發

風墮簾疑雙燕飛古入新年聊盡省憂回南國尚柴扉  
同遊且拾瑤華句載酒還歌金縷衣

二月二日尋源溪白石不至

煙花催旆度平林爲問真源特地尋石罅初分蒼玉竈  
溪頭漸合白雲陰香片拂漱衝寒發野蔌乘春出水深  
遲客不來尊酒共浴鳬飛鷺倍關心

荆軻山吹遂

晚吹空山羞笛清一腔一拍總含情愁中楊柳驚初發  
落去梅花怨更生易水歌終元有淚秦庭圖盡浪無成  
當杯莫爲荆卿惜贏得千年壯士名

易居詩集卷之三  
三  
興國寺看花得成都報

楚寺山花春後繁一叢蜂蝶過相喧紅遲眼底愁風雨  
綠亞枝頭空酒尊剩有高賢歡入夜驚傳別語漫銷魂  
何當爲卜林塘遠萬里還看江草痕

問花

雨過園林花未落枝枝葉葉故鮮新江頭此去春心老  
上谷年來笑口頻芳草西湖驚別夢綠窓啼鳥怨歸人  
合歡可柰雙蝴蝶幾處尋香遠更親

白石館中賞碧桃

官閣春深花事稀碧桃兩樹更輝輝誰誇露種來天上

自信風神千化機紅藥隔階留爛熳朱欄對雨闌芳菲  
錦江太守情偏劇畫省仙郎意不違

孫園流觴

春日春臺花發紅枝枝嬌嬌倦東風摘來水曲香翻細  
流過清渠色不同笑逐羽觴飛自穩歌迴金縷調誰工  
蘭亭魚鳥依然舊晉代風流今轉蓬

春暮見白牡丹有感

魏紫姚黃俱寂寞一枝傾國雪同看玉顏不識東風晚  
香骨翻追白帝歡冉冉流雲迷谷口垂垂帶雨泣闌干  
昭陽莫訝遲恩寵猶勝芙蓉霜後寒

紫荆關和桐溪司馬韻

立馬高看紫塞奇  
河山東下斷西陲  
漠南遠去三千里  
閫外還屯百萬師  
風掣斗門閼鼓角  
天開石棧閃旌旗  
地形國勢真全勝  
須仗忠良計不危

登城

塞外城臯朝日陰  
荒煙殘靄此登臨  
山依漢壘翻高下  
冰抱燕關自古今  
萬里黃沙迷白草  
中原紫氣滿平林  
將軍坐鎮無他事  
牙纛銅鼙勸酒深

真武廟登眺過太寧寺

天畔玄宮扃石林  
宮前綠樹曉陰陰  
旗懸斗極寒西北

劍截妖魔殿古今沙白草青春望迥落花啼鳥塞垣深  
尋遊暫此煙霞會柱杖扶吾仍遠岑

入寺

東風吹老木蘭堂野外尋真歷上方翠壁丹厓春入盡  
山椒欄藥晚生香禪心早向空門得愁緒那從詩思長  
便欲分杯話終夕不妨下榻卧斜陽

乘雨登太行絕頂

珠宮寶塔入雲平客子耽幽特地行自憤西來沾法雨  
青牛東去撇愁城繩橋駕海危能度鐵鎖牽風幻未成  
步屢與君傳勝跡投簪何地說長生

立夏下山

南客北遊春興遠忽驚春去獨茫然不因花落愁蜂蝶  
畊訝尊開咽管絃天際白雲仍莽莽雨餘翠竹自娟娟  
衝泥踏過山頭路何日重來信有緣

謝別白石

山深慣見墾棠花細柳牽風客路斜雨急前溪聲不斷  
月明千里夢還賒松堂舊草開新壘江閣春雲滯晚霞  
極目傷神渾自醉酒杯羞澁共天涯

謝別北盤

人生聚散喪不偶百歲光陰幾度歡醉憶湖心孤嶼遠

笑回谷口萬峰寒多君夜月耽詩句媿我春風倦羽翰

錦水何緣歌出牧燕臺那復共彈冠

王華高倉部招飲雲龍山和鵠湖陳冰部韻

雲龍山傍石瀾開客裏登攀正舉杯萬里塵霾橫日下  
滿江風浪拍天來鴉喧短羽接淮浦鶴引長吭過楚臺  
搖落亭陰不成賞黃沙白草自徘徊

飲吳門道山亭題春波沈子卷

水漲溪橋迎短械草平江渚許先秋蛟龍隱約驚常翥  
風雨頻仍咽不流隔浦簫聲還斷續當軒月影自沉浮  
山亭坐酒渾多興何日相看瀛海頭

常山白龍洞和王筆峰韻因簡守嘿秦少尹

懶性常便麋鹿群長途萬里困塵氛夜行漁浦日出海  
曉發蘭陰江吐雲入蜀未緣窺漢相出關早已愧終軍  
白龍洞口分杯酌閑隱風煙含夕曛

九日龍津道中遇少泉李參藩分韻得陽字

客底逢君發興長短籬修竹坐重陽尊前喜會雙龍劍  
江上愁看萬里航風凈淮濱思舊雨月明巫峽試新粧  
徘徊歧路翻多恨何日重開黃菊觴

飲滕王閣和少泉分韻簡謝張南溟憲長

客路喜看江上峰江頭還喜覲人龍三湘鴈字霜前落

九日黃花節後逢高閣可憐明月共鄉山其柰白雲重  
曹郎爲郡按西蜀南浦先尋秋水驛

飲龍江徐臨江一鏡堂話舊

堂涵粧鏡淨秋波檻拂芙蓉花更奇萬里雲霄酬壯志  
他鄉尊酒話深知清江夜發廻旌仗蜀道天連失路岐  
爲說當年尋舊約湖山何日是襟期龍江過淮時有歸隱之約故云

宣風館次陽明公韻有感

雨過溪添秋水痕溪頭水足未全渾一尊旅館新生慨  
百折寒流曲抱村指點賢豪回白首漫留筆札伴黃昏  
浮雲孤月成真幻碧海丹丘乞壯魂

昌山道中即事

分宜灘險亂石出昌山道遠行人愁奔流日夕泣虎豹  
弱舸往來輕鷗鷗攢轡渡頭急不發振衣谷口仍淹留  
浮名役役苦孟浪高鳥飛飛安所求

宜春臺簡李守嘿

短劍長風迷楚望煖雲晴日媚高原春宜臺榭燕隻語  
路轉松蘿花更繁遠道羈人紓赤帶閒情太守責朱幡  
登臨莫訝傷多酒折簡何當禮數煩

時雨堂海樓李長沙話舊

天未喜逢吾海樓湘南潭北正清秋雲山迢遞生新感

淮海追陪思舊遊已訢格天三日雨還籌弭盜百年謀  
君應早晚歸臺省媿我非才萬里接

曉出龍陽志感

龍陽郭外千頃平昔年苦澇今苦晴揭來白草蔓不死  
惟底黃蘆春自生日高其柰鳥語亂風淨况復煙波驚  
臨流長望一灑涕不緣萬里愁人行

夜發

嚴程遄發武陵源風旆星幢迤小軒曙色乍開煙火亂  
蹄痕襍蹂露華繁九溪穩下衡陽鴈五夜愁聽峽口猿  
路入山均轉迢遞大龍亭子憇朝暄

澧陽道上見菊因簡竹厓金伯齡

的的黃花開路岐沙頽草自謾相欺香風不斷憐應汝  
露眼如啼訴欲誰此日折來人共遠隔離看去蝶先知  
高天秋色還多興烏帽鷗綺有所思

姜女貞烈祠和存菴李中丞韻

貞魂烈石心全赤血淚成泉眼不枯羞見奸雄臣異主  
好同厲鬼殺強胡亡秦自短長城在正氣翻憐此輩扶  
誰說孤忠同朽腐千年尸祝是亨衢

獨醒堂吊三間大夫和王陽明公韻

風雨三江煙霧昏偶來堂下奠清尊獨醒不解醉人醉

孤憤難忘報主恩。一自紫蘭紉楚佩，若爲錦瑟弔湘魂。  
于今祠廟遺形在，灑向紺袍空淚痕。

荆南簡謝王繫舟虞部

十年夢繞楚江濱。此日荆南萬里心。數問成都勞駕從。  
高從水部得追尋。仲宣詞賦樓何在。子美羈棲愁轉深。  
我欲持杯酌明月。清歌盡省一沾襟。

楊后江陁州飲別忠孝祠馳宿桃花塢簡謝

把酒江臯朝日暾。驅車山館已黃昏。一行旌旆千峰月。  
五夜星霜萬里魂。蟋蟀向人悲自語。桃花隔水笑誰論。  
多君愛客煩供給。躡躅行厨經遠村。

桃花館夜度望州山有感東淮選部

夜發狼山品霜露清千盤萬折困榛荆平雲笑拾星河影  
極浦愁聞灘瀨聲疲馬那堪經遠道故人何以示平衡  
望州亭上看黃菊綠酒青山不世情

鑽天嶺下山書白沙亭子

凌絕千嵒生紫氣雄飛八翼上青霄夢魂不道中天迥  
身世分眰下界遙滿地白茆渾自老隔林紅葉向人撩  
亭陰坐憶登山興隱隱時聞鸞鳳簫

巫山

巫峽天高雲霧屯陽臺杳雨傾盆山川靈氣自棲托

詞客風流多夢魂石認支機傳七夕花迎流水說桃源  
何當反却高唐賦爲洗千年神女冤

登瞿門閣和張兵憲原明韻

峨峨山遠接天來巫峽江深灔澦哀萬里舟航愁日下  
重關樓閣倚雲開青楓自菊心方遠蜀道吳門首重回  
欲寄平安隻鴈足詩篇不惜向風裁

雨夕下蟠龍山寫懷

昏黑蟠龍山下路懸厓仄磴渺愁予已驚山鬼向人泣  
更怯寒雲牽雨居蜀道三更魂夢斷秋風萬里鬢毛殊  
宦滌世味多無賴何日南屏小結廬

元日謁四公廟用儼山翁登樓韻

祥煙瑞靄漾春晴萬壽天高矚大明柏葉極深驚過眼  
梅花香緩自含情冰霜不負同心約巴蜀新開泰宇清  
立馬亭陰遺事在當年風動錦官城

元夕後德陽殿下來雀樓張燈開燕和函山憲長

韻

昨報銅龍入夜催今看寶樹尚雲開王孫第宅春常主  
元夕風光花滿臺杜曲遠乘工部興梁園真委賈生才  
鳳簫一奏心同醉鶴馭三更駕未回時南征信奉二國史同燕後聯及之  
別駝山張別駕比上改官

錦水春風花滿轔一鞭行色遡秦川皇都此去林鶯老  
少府新銓官草鮮萬里音書庶悵望何時尊酒更留連  
追思燕寢論心日不負冰霜覓句年

謁漢相祠修復昭烈陵寢志感

翠華雲鎖錦城碑此日瞻心感舊時王業正傳炎漢統  
中原誰復杜陵悲龍歸墾水猶風雨鶴去空山失羽儀  
八陣圖閒見籌策忠誠千古帝王師

別西嵒見貽山茶谷蘭復有草堂之約寄謝

雪風吹老茶花蘚春日烘開蘭葉香嘉樹遠依南國焚  
鼓芳新試楚沅粧同心翠帶愁難綰對酒青衫濕不妨

珍重故人勤問遺交歡何日醉林塘

東軒餞白厓周司農過白下因簡冲谷陳封部

限韻

春雨海棠花滿枝紅酣坐對夜深時東皇着意憐桃葉  
南客多愁牽柳絲棹發三巴曉日遠鴈回七澤雲  
遲金臺明月應如舊送子平臨有所思

錢鄭友嵒西寧趙龍誥儀制限韻

東風吹煙度晴幢天上金函下錦江萬里龍蛇新閃閃  
五雲鸕鳳故雙雙草堂花雨柔常過葬死才名未易降  
極浦分杯愁玉邃落梅折柳不同腔

過迪菴楊子再訂昭覺之約

十年驚見子雲才花老長安兩度開難字早從中秘識  
玄經真傍後天裁墨池雨過多新草擣杜春來足舊醅  
與子有懷登覺岸相期不惜醉深杯

浣溪尋花以下四首李溪村道長對酒之作

溪頭幾樹刺蘿花小白輕紅胥淺沙老去春心漸憊慢  
笑回露眼半誇遮一尊坐對憐蜂蝶上客尋遊亂鼓笳  
路入林塘轉相匝枝枝葉葉倍堪嗟

金臺醉竹

萬竹陰森一逕深紫金臺迥費幽尋不參黃白飛仙術  
曾得空虛太古心月下離披玄雀舞風來隱約高龍吟

百花潭主溪村客坐石拂雲開素琴

移尊草堂

春歸屯嶠山花落雨過林塘江岸來杜老征魂憑句得  
草堂高韻向風裁孤忠萬里瞻  寢帳獨樹中宵嘆草  
萊日夕放船猶自好移尊不惜傍莓苔

尋春錦水

蒼杉翠條曳晴川川上飛花落酒前忙底浮名拚共醉  
年來春興故依然瑤林遮莫啼黃鵠錦瑟云何怨杜鵑  
欲托雲箋寄幽抱不堪彩筆附高賢

問訊白石連侍御按秦

紫雲不斷輝春駕丹鳳新啼報曉鐘國是早持周柱史  
君才元重漢司農即看鴻鵠騫高翅爲問豺狼失遠蹤  
蜀道秦川俱萬里相將何日話相從

錢大學士託齋翁祗 命北上三章

椿庭晚徹問安回 帝闕天高望眼開白髮已償遊子  
恨清朝應重相臣才 乾坤日月孤忠在閣道風煙萬里  
催昨夜臺官占斗分微垣紫氣矚三台

西郭紅蕖雨後香南園修竹翠生涼十年坐晚耽鷓鴣  
萬里乘春翼鳳皇華蓋近承天露重雲和元藉玉音長  
歸依此日尋玄度丹石亭陰一舉觴

燕臺北去 神京遠蜀道西馳天路賒  
制草 陞前袍簇舊宦花 晃旒色動山河影海宇春  
回百萬家媿我非才守西土不妨留滯見勲華

移尊青羊速五石李侍御北上用韻

簾筆明光天露香養丹玄閨竹風涼揭來錦未傳綸綺  
夢入朝陽思鳳皇健翮飄秋雲看共遠閑情夏日祇須長  
閱頭谷口時相問坐對青牛笑舉觴

青羊坐雨偕王南岡僚長晚過草堂放舟簡五石

侍御

郊坰昨夜報新秋一雨朝來暑氣收簷合搏雲雙雀下

亥臺貯日九龍孚林塘指點花潭上杜老分明江水曉  
只尺相看不得渡清尊華月爲遲留

雀池築戎鎮水寧和來韻

刀弓秋風鳴鐵衣將軍何必嘆離遠龍高萬里銷金甲  
赤水三關肩石罪諸葛已傳清廟畧嫖姚誰數漢兵機  
帝王道在今全勝文武才看世所稀

花潭相地築草堂得句

草堂東除池水深莓垣蘚徑繁秋陰即看卜築廣庭想  
更許才賢盟素心寶刹三花廻日薄蒼杉半訕高雲侵  
主人得地喜願僻何日堂成愁碧吟

八月十三日興梁

梅虹斗跨高天出華月秋分後夜交水落池塘憐舊草  
風翻燕雀賀新巢林開地迥繁雲葉竹到春深長露稍  
安得少陵詩夢醒一尊相對賦青郊

草堂分竹

杜曲花深潭水香也應修竹蔭新堂殷勤移爾分秋雨  
只尺移根傍女墻何日煙迷蒼鳳翼而林風含翠雲璫  
少陵老去江南遠葉葉離披意更長

草堂存梅

紅梅昔共推川蜀綠萼今還見草堂鐵幹卧雲渾偃蹇

虬枝醉月半昏黃  
冰霜那更孤根得笑語  
偏憐兩樹香  
留却少陵風格在  
好移新竹過林塘

草堂觀梅

春滿江頭臘未殘  
草堂詩夢倍高寒  
梅花好趁東風軟  
白雪應知和者難  
皎皎一簾深杜曲  
輝輝兩樹倚闌干  
折來欲寄天南路  
萬里孤雲祇自嘆

中秋雨偕五石李道長集信菴國史宅

雲霄萬里盼婵娟  
風雨三更醉不眠  
玄圃香分金粟重  
龍宮光貯寶珠圓  
人來海上傳星石  
酒到江頭問謫仙  
忽聽南枝飛夜鵠  
不妨延賞故年年

雄三谷擢參河洛因念良兄

昔三谷言時政得旨云脚邵某之說故云

十年青瑣才名重此日丹厓法駕高草奏應憐臣節苦題封真訢聖心勞江鄉斷梗悲鴻鴈野水平蕪刷羽毛喜見君侯雄萬里我兄那惜老林臯

簡屋山高副憲結窩綿江和來韻

翠雲江上結行窩瓦屋山頭長薜蘿涼月好風隨去住  
筆床茶竈任經過上林花柳春前度白髮年光鏡裡摩  
千古巢由能避世塵心寂歷道心多

九日飲右史信菴看菊

杜陵風高王山遠梁園秋老黃花繁米霜抱節苦不改

詞賦落英香可殮何當作客動詩興率爾登堂開酒尊  
欲便思歸歸未得故鄉誰落祛愁煩

登中和門感懷

病起晚登城上樓煙光和日氣全淳一聲羌管翻秋引  
萬里邊心入夜愁漢業何煩荆楚地蜀江亦自帝王州  
嶠崿百二雄圖盡指點中原空白頭

冬仲十四日夜子初刻月食壇上有作

寒宵露立將星臺萬里陰雲慘未開亥度秒分當子夜  
金精盪刮向中台明廷順治妖魔淨薄海諸番納款  
來底事驪珠藏貝闕不妨蚌蛤漫生胎

霧雨登塞雲臺

朔風霏雨颶平臺煙鎖雲林濕不開太古有天還混沌  
西川無地不蓬萊碑傳玉局文難解崔貯金丹夢未回  
獨有梅花遙消息一枝香過短牆來

簡龕雀池參我來龍弁謝牙笏之貽

兵參赤水新開府草沒黃塵久息戈傳檄不煩春試馬  
防胡猶自夜吹螺裁詩西下予心遠柱笏朝晉君夢多  
惟底梅花寒未發江頭欲寄柰渠何

登樓

西城樓閣度晴暄鼓吹屯聲散女垣高柳翠迷花欲亂

小桃紅褪葉初繁風香入酒廻林薄暝色侵衣襍施軒  
良會百年春幾許明朝還約醉南軒

南園試馬

馬足風生春草香一鞭南苑試新疆畦田半拾金銀氣  
桃李全鋪錦綉場望去湖西天共遠得來江上興難忘  
春心喜赴尋春約躍過前谿開酒腸

清明日愴懷

介子空傳寒節晴江愁見禁煙天桃花亂點啼春淚  
榆莢旋招沽酒錢巴蜀獨憐投萬里湖山翻恨入重泉  
何如烏鳥傷心切常抱枝頭泣未眠

來宿樓觀蕙留別楊肅菴給舍

秋憐楚客三江雨春老梁園幾樹花翠帶可能牽別緒  
青衫一自重王家風來臭味心同遠節去芳香怨未涯  
好向臺端看特地枝枝葉葉上雲沙

武靖總戎肅菴給舍封慶符王代西野公作

聖皇初下青宮詔蜀道旋瞻絳節旄萬里銀潢分漢水九天金冊照星鑣麒麟影動江光曉花柳春明杜曲豪幕府杯深拏共醉不妨新月上林臯

飲別兼山王敘州于紙坊水亭再訂翠屏山約  
千古才名推逸少兼山此別更含情酒從巴峽分波濤

詩向岷峨逼漢清勝入蘭亭春藉草花飛曲水笑傳觥  
昔游寥落今乘興何日相將看翠屏

九岡樊漢陽終養歸蜀燕太慈閣

狹江秋老憐芳草漢水春回長綠波遙近天涯心獨許  
夢魂鄉國意如何百年千里關情切一日三公笑口多  
我亦思親歸未得樓頭拚醉爲君歌

東臺余道長牧吾錢唐別踰十年茲以嘉州刺越  
過予飲于浣溪臨風索句停橈小簡用寄遐思  
長風斜日泛清江急雨西來點客艤醉泊榦林閑自穩  
詩催杜曲細難降故人喜報新朱紱萬里那堪濁酒缸

此去蘇公堤上路驛壇應識舊麾幢

壽揚瑞虹兵侍七十詩

海上新添壽幾籌河東舊識子雲流誰論白谷蒼江叟  
笑綰長松野崔嵬何日金丹還畱竈一聲清吹度簫樓  
不煩燈火三更路好伴煙霞萬里秋

賀信菴右史膺四品服飲瀆柏亭兼簡鉉鑑諸郎  
古柏搏風夏日涼亭亭兩樹見冰霜高雲叢護千年蓋  
積雨濃滋滿院蒼根幹喜看春結子階庭從長玉生香  
主人笑綰黃金帶接膝重開赤鳳祥

漱曲

雨過花潭水檻深溪頭一曲杜陵陰蘿牽絕壑雲依石  
竹覆荒塘風滿林百丈影疑雙鷁下轔轔聲宛九龍吟  
閒情佇立無歸着只尺岷峨萬里心

山半篇思陸儼山司成和浣溪憲副韻二首

三峽新波下劍門五經舊轄動星旛公從發解名元重  
帝出經筵道始尊上相龍光還昂鉉清朝崔馭豈塵煩  
瞻心太室搖光切萬里常隨朝日暄

十年北館老司成天上聲華屬大名桃李經春登聖  
治草茅何地托吾生湖頭醉月心同遠峽口占風波始  
平正好開琴調野雀還絃一曲度台衡

大益書院試士十歲馬逢伯與焉未故及之

百年道氣重三川此日篇章動四筵脫穎好看推國手  
橫經誰試得心傳高天華蓋星初轉瀚海鯢鯨浪自便  
更羨客卿風骨異濡毫落紙出雲煙

浣溪草堂對酒和儼山韻

小鳥春聲百不迷曲闌干盡見平谿堂開錦里延風日  
地接花潭多品題慈竹影寒冰雪外叢蘭香沁草塘西  
主人習靜已成僻坐酒看雲憐故樓

八月七日風雨中入試院馬上作神魚篇

峽底神魚欲化難掀天風雨動江干掣開大塊蟠泥出

洗淨浮埃帶角翰  
他日蒼生疇入望  
百年灝氣此中看  
漁師海若勤推挽  
伐鼓擊旗意未安

丁酉鹿鳴宴上即事

西蜀筵開選士場  
秋風羅綺倍生香  
憐渠桃李爭先發  
老我門牆煞有光  
鼓瑟于今崇大雅  
嘉賓何以示周行  
百年禮樂闕心共  
萬里功名去路長

入覲留別江月亭

城頭鼓角動旌幢  
秋水西陂下客艤  
京國春明瞻聖  
主江亭曉吹換新腔  
交游剩喜高賢並  
畫一真慙國士  
雙月色和煙俱萬里  
清芬滿地憶三江

蘇祠展拜有感

望入峨眉開畫圖秋風池館見三蘇紅蓮一水香猶臘  
古木千年節不枯忠義文章窺鳳虎門庭師友重魚鳧  
雲山此日瞻心切萬里高堂真故吾

南澗揚中丞有足  
紹三蘇之說因以

大峰况  
家君云

日寄冠山夏地卿書有春草石闋之句偶足成之  
爲說當年淮浦月一番照席一開顏晴江坐酒聯春草  
寧夜敲詩扣石闕巍我遠從滄水別多君早向白雲還  
遙遙峽口煩舟楫鶴夢猿聲不可攀

灑瀝堆

峽口簎風紺客艤驚看灔澦日衝撞當關虎豹書常引  
出水芙蓉秋可憐劖閣西連雄萬里瞿塘東下失三江  
巴山蜀道真全勝砥柱龍門未易降

祀黃陵廟

聞說黃牛峽水惡我來斜日下輕梳辨香小泊占神期  
萬里孤臣達聖朝秋老江枯灘骨出山空風淨漲痕  
消即看隱約和雲物白馬青袍不可招

青陽山

十里青山青入畫松聲月色可能描商弦入手繁清嶺  
皓彩當歌徹紫霄獨崔西飛風颯颯三星東下路迢迢

江鄉夢急瞻親舍天闊心懸謁帝朝

過宣城遺月嵒王道長朝用話舊

十年驄馬湖西路踏遍蘇公堤上橋孤嶼香迷萬嶺雪  
萬松影落浙江潮尋春喜共芒鞋遠對酒相看塵夢消  
此日雙鳬天外見月嵒猶自問吹簫

夜發

夜發官程急使車星光林影散棲鴉白雲千里情偏切  
紅日九天心轉賖疲馬蹄轔轔往路小橋水落遲流沙  
平明步入符離集疊蓋重幘沾雨花

賀陸玉洲監察守撫州

即看持斧振三川，忽報除書下九天。  
聖主有懷西牧重，老臣暫寄北門便。  
弦歌此去魚龍會，禾黍應憐鴟鴞。  
篇仰見君公，秋月浦冰壺千里一輪懸。

漢陽遭軋菴馬嘶州諭時事和馮三石韻

十年夜月淮潰別，萬里春星漢水逢。  
爭道白眉心已鐵，誰知乳口腹生鋒。  
無天波浪魚蝦戰，極浦舟航猿鳥從。  
笑語不終成市虎，風塵何復困人龍。

遊白鶴觀中溪題石且云得玄理故及之

白鶴僊人跨鶴來，青蓮百丈青天開。  
寰中玄寂渺如許，洞裏丹砂日幾迴。  
鼎寵何緣君獨解，風塵那復客須猜。

好當結社三峰下笑拾金光入酒杯

昭慶禪房與平川陸子話舊因簡五石侍御用韻  
海南荔枝日遷來湖上蘭若雨後開霽漢十年心共徃  
風波滿地咲應猜青藜天祿淹劉向白璧羣江惜漢才  
珍重臺章催上道遙回法駕且時杯

己亥歲除書懷

十年除夜親邊夢此夜家園夢底親不分桃符勤送臘  
翻憎爆竹巧迴春看花法供靈筵在金紫堂開涕淚新  
強插一枝梅未放東風着意泥愁人

庚子元日與弘齋兄對酒

宦遊何地隔風塵南北朝元十二春紅日九天那對眼  
自雲千里未歸人即看冰雪沾蓬髮誤落煙花失路津  
此日勸酬兄共弟菜盤椒盞任吾真

人日摯諸子泛湖

春入春湖新水生人逢人日舊山明雲霞初散林巒彩  
風日旋添魚鳥情醉折官梅思遠道嗟拂驥子動長庚  
輕拈彩燕尊前落絕勝金卮節後行

穀日喜晴

去年晚稻秋不實由來穀日天冥冥而今鳥雀階頭喜  
爲平田疇春後青村村農務底須急兀兀窮愁何處醒

放歌天地一聘望取醉湖山隻玉瓶

初春入天竺山過葛嶺拜先君墓所

曉發雲霞開遠霽肩輿尊酒作山遊新鶯未解枝頭語  
高柳能攀春外愁隨意西來參佛國何妨東去問丹丘  
村村昨夜風和雨咽咽前溪不斷流

壽弘齋長兄五十詩二首

二月十四春正中煖雲晴日近簾櫳饌桃子熟濃薰酒  
宦海波寬輕轉蓬安石已深天下望小坡曾得長公風  
園亭燕喜千祥集一曲斯干笑語同

三歲從兄同講讀而今半百各翻飛鴈行舊序先應翥

荆樹新芳晚更肥花下一尊開壽筭日邊千祝報恩糧  
好廻北斗臨天仗坐對南山看少微

雨中湖堤看花

寒颸掠雨勝不減獨客來尋湖上春萬朵野桃紅着岸  
幾簇短柳綠依人雲迷僧舍鳴鐘遠水隔遊船喚酒頻  
明日天晴今且醉懶鶯困蝶莫深嗔

柳亭賞牡丹和弘兄韻

紅芳獨抱春心老綠醑旋添夜色妍自信國花來絕代  
漫憑池草得新聯香窺蜂蝶偏多恨笑隔雲沙亦可憊  
勝賞百年拚共醉繁華那更勝今年

南江馮子仁歸自嶺左飲于湖追憶往事愴然與

懷爰次午坡江子順韻二首

臺臣草疏拂龍顏戍客揮戈向虎闕汨沒湘累心獨苦  
播遷粵徼骨應還西湖啼鳥番多興南菊開尊且故山  
佩玉即看準闕下賜環端出五雲間

十載思君未解顏安危君與世相閑翔風鴈斷孤雲沒  
炎海春回白鳥還天地此身輕若寄君親大義屹于  
山當歌不厭尊前酒人在六橋楊柳間

賀九山喻崇德被薦因憶金堂令希義感懷

蜀郡多君子猶子歎吳門今復對君歛關河月色臨仙珮

朝野風聲待法冠此日薦雄應不忝他年借冠好同看  
揜荒見說憂民隱飛鳥鳴琴且自寬

悅齋阮秀水復初報最北上

出牧三年煩兩地勤民百里足千家東南財賦誅求盡  
西北軍儲輸挽賒 闕下題封心轉劇日邊兩露寵方  
加彈冠要路行春令簪筆明光收晚衙

五月五日夜夢高堂覺而哭奠几前有感

午日正陽剛得令春輝子夜獨閑心雲撩怨鶴傳清唳  
風墮啼鵠失好音角黍有絲纏自苦蒲觴和淚滴難禁  
可憐艾葉交庭戶不傍萱花椿樹林

按察任玉臺胡慎齋盧抑齋鄒和峰劉一嵒張蒙  
溪諸公奠先君于墓所苦雨後晴感而賦此

天河夜注占心急曉斷扶桑望眼遙忽亞林臯開日輦  
漫虛斗夕下仙輶寵光草木孤墳在羞澁風塵雙淚飴  
東帛瓣香荷知與一尊雲路共招邀

九日同六橋今尚寶登湧金城樓得高字

檻外長風掠布袍風前短髮任刀驟十年把翫他鄉菊  
此日追陪同里豪城郭曉臨雙闕迥江湖秋見萬峰高  
閑心不負陶彭澤刺有壺觴可濁醪

輓邵滄洲

滄洲宗老老醫廬頭白談玄氣尚龐忽謝塵煩歸大化  
好收花鳥入方壺招邀玉邃風前崔寥落丹砂海上爐  
何處夢魂秋萬里一天涼月照清都

和弘齋兄春日齋居韻

春風長日遲山齋鳥語花明足快哉身世百年餘俯仰  
乾坤兩眼且掀髯修篁也自擣風繁瘦石何妨餌蘚莓  
不道飛仙還有藥放歌天外更徘徊

庚子至日書懷

仲冬望日剛長至雪片霜花短髮催地底喜回鄒子律  
天涯愁絕杜陵詩不煩雲物占消長爲有梅覓入夢思

何處春風千萬里乘龍躍馬任吾之

雨中過訪西嵒劉子未昌用弘兄韻二首

東風刷雨漫撩人  
峩態林香着眼新  
棹發花潭論舊與  
尊開草閣道吾真  
千金不博屠龍技  
三則誰憐獻玉臣  
珍重端闈太平老  
擁貂常抱萬年春

湖暝雨過怯行人  
坐晚雲停咷口新  
瀚海此身元是幻  
風波滿地認難真  
靈修不作浮湘客  
羽翼終歸輔漢臣  
愁絕四山煙水合  
柳枝桃葉暗藏春

坐巾子峰上對酒

巾子峰高天氣清  
烏紗白幘笑相迎  
雲迷塔影月初下

水抱蟾光秋轉明海上三山堪對酒風前九日漫傳觥  
主人興發客不去忽聽歌童開鳳笙

春莫王葛墩南軒賞牡丹

水部園亭春較遲萬花落盡見芳姿丹心更借東風力  
粧面先傳玉樹詞百寶千金元自愛蜂香蝶箔莫大教知  
敲回檀板紅綃下一曲謌終酒一卮

名花三月正芳妍花下開筵特地偏不有紅香薰几案  
肯教綠酒共留連鞦韆盡裏人常主常曲溪頭春可憐  
好辦青錢醻盛賞暖煙晴吹上新牋

和僧賓山韻簡豐村監察于瑪瑙寺

出旨四月十四立夏日也

三峽行  
驄天外別孤山  
駕鶴雨中携清尊  
竹葉心同賞  
流木桃花路轉迷  
緣結袈裟修淨土  
詩先佛子示招提  
東風昨夜驚回首  
萬里春情信馬蹄

北高峰小憇白雲堂折梅限韻

白雲小結山堂淨  
碧障全低石磴開  
百折且窺初倦鳥  
一枝先啖未酸梅  
煙霞縹渺中天出  
湖海分明入盡來  
爲問浮屠經幾劫  
何年寶梵啟風雷

下山過繩光菴和韻

高峰絕磴雙旌發  
上刹回鑿一逕過  
學士題封碑刻在  
老師遺偈道心多  
金蓮引水開雲石  
翠壁含風雜珮珂

落日分杯共蘭若，閒心半榻意如何。

豐郵放舟鴛鴦湖，惜別有感。

長夏東湖不繫船，偶陪霜駕集冰筵。  
清風一道人同遠，明月九天心共懸。  
錦瑟朱弦謝吹發，青蒲白鷺水雲連。  
使君行誼高今古，玉樹應花晚更妍。

野石邊別駕張筵于虎丘，紹靖書臺餞豐郵有感。  
崇臺豐宇何年構，夏日偏宜芳樹林。  
無柰故人天外別，不禁地主杯中深。  
闔閭立國幾興廢，傀儡當場誰古今。  
坐酒閒情復長嘵，可如野水輕鷗心。

壽屋素尤翁七十兼簡西村，癸卯三章。

八月廿八天氣清。居素老人茲降生。煙霞初結白蓮社。  
風露旋尋黃菊盟。北斗尊移三島近。西村袖舞千花明。  
遲予獻壽者誰子。青鳥蟠桃來漢京。

青瑣米含金雀袍。百年恩寵五雲高。聲華早擅橋門彥。  
勵業何煩塵海勞。天上龍章麟寸草。秋來崔馭醉仙桃。  
老人自得長生訣。那用靈椿祝彩毫。

九龍山下洞虛宮。路入蒼茫紫翠通。清夢已拚塵海隔。  
幽居真與素心同。隨緣羽客餐朝露。結社玄壇接晚風。  
知是玉霄僊籙在。好憑仙步問無終。

野石移尊小武當覽勝

玄壇何地逼樟臺路轉松杉閣道開野石尊罍群鳥雀  
衡山詩句伴莓苔虎丘金碧傳新勝龍殿香煙徹上台  
更酌河梁總乘興溪雲山雨洗天來

和壁上衡山文待召韻

剗却蒼杉合翠微九霄宮闕四山圍不緣野性耽雲石  
曾得玄談學羽衣檻外流泉初雨過天涯芳草壯心遠  
勝遊剩借南薰便落日扁舟塵夢稀

惠山下舟中言別

昨馳蜀道承臺薦今傍吳門別使旌夏日仙舟閒對酒  
春明京國漫啼鶯激揚不負才賢地遷轉應先館閣聲

此去匡時有良策北風何惜鴈來情

喜雨三章爲竹吾張常州賦

仁賢太守心民隱赤日黃塵儻雨來鶴駕未還驚掣電龍潭先喜動輕雷九天煙霧排山海絕壑風濤遍草萊知是湖南百萬戶窮愁一夜笑聲回

皇家財賦東南寄寇虜頻仍不可支曾似明公憂底急一番甘雨得來奇豐年可卜三農望荷幕應酬五榦思爲憶西川舊時事高江萬里忽垂垂

奔雷急雨夜不止曉起炎蒸朔海雲颶曳忽遮雙闕滂沈真訝九龍分高齋散帙爐煙細燕寢凝香花氣熏

蘇老當年胡不有桔槔聲裏更思君

七夕初度志感

五十年開七夕尊白頭猶復記兒孫經秋慣見河陰彩  
入夜偏憐膝下恩爪果當筵深涕淚夙波滿眼孰評論  
我生此日翻多拙恠底憐家乞巧喧

人生百歲歡有幾我今半百番悲嘆爲郎那厭水曹冷  
出牧偏經蜀道難十載天涯任竽瑟一回江上翻波瀾  
夜深露立問靈鵲河漢何緣飛羽翰

八月十八觀潮

十年江上潮聲遠今日潮生勢轉高風雨晴翻珠闌迥

雷霆晝引玉龍號驚魂萬里回塵夢壯觀三秋落彩毫  
曾得此身付鷗鳥浮沉元不怯波濤

輓鄭一峰母次吳青丘韻

秋風一夜商歌發短邃殘砧急晚煙孤鴈憶群憐故壘  
啼烏思哺泣離筵百年結志驛水雪九我盟心在簡編  
蘭桂生香知有日清霄雨露下重泉

吊漸山太史偶遭春山憲副爰從修謁感賦二首  
海上有人能避地山中無計可尋真比從吊客經過遠  
忽報舟航笑語新綺綰柳條青入座杯分竹葉綠浮春  
十年塵土風流在懶醉清歌不厭頻

貞白堂開東海頭，小山疎竹畫常幽。  
階前野雀不解語，屏上美人還自羞。  
鉤令好從歌吹發，詩脾端向酒腸搜。  
也知白也真無敵，日暮推評消客愁。

元峰海樓二集  
子廣唱故云

石門夜發

閒心謝却風塵道，晏歲誰牽冰雪槎。  
笑入雲華杯數舉，撓迴櫓李鼓頻搗。  
星河影落三更月，燈火芒寒五夜花。  
不是山陰歸興發，孤琴獨鶴去還賸。

除夕折梅

七日東風臘未殘，梅花先破隴頭寒。  
一枝曉向銀餅折，萬里春從玉樹看。  
可是孤根青結子，謾教疎影綠依闌。

浮生看處成真果世味嘗來底舊酸

笑卯元日頌椒

回首春風半百過今朝春更笑顏酡清尊柏菜椒花共  
近曙黃雲紫氣多新歲分明占景象此生那得老山阿  
舊來懊恨俱消歇試看床頭獲珮珂

尋春

正月六日天氣新上客來尋湖上春沙鷗水鳥白無數  
桃葉柳條青未匀西遊竺國悅禪語東去定光參佛身  
風前涼月傍歸路醉後狂歌愁向人

簡龕楊丹泉下祝長年詩

元宵喜接故人書月下番歎近索居更有瑤篇來遠道  
烟然珠斗照吾廬湖南合共煙霞老湘水真憐涕淚虛  
回首春風天外客鴻毛此日意何如

慕菴爲鄉人宋蕃賦

春風吹不到山堂夜月番疑照屋梁白骨可憐埋宿草  
此身那得產空桑百年涕淚嗟何及回首聲容恨渺茫  
我亦思親共懷抱玉泉泉下水湯湯

秋江別意錢盧抑齋方伯

湖頭惜別醉樓船江上清秋思黯然去影况隨鴻鴈候  
分枝仍向菊花天雲霄萬里冲台迥淮海千年正氣懸

關塞即看新節制指揮定許淨風煙

海山遙祝壽龍洲李侍御封翁七十

北海尊開千日酒南山壽獻萬年卮郢中花鳥酣春事  
浙上風煙入夜思上寵已嘶丹鳳勅新波還下玉龍池  
相知此共瞻心遠一曲靈椿賦所私

除夕新居

朔吹寒煙此夜除滿天星彩照吾廬鴛鷺出水憐新渚  
鴻鴈掠雲索舊居筋下喜傳生菜細折來惟底野梅疏  
百年歲序頻流轉明日春風任卷舒

甲辰元日

半百年過髮未疎東風吹燠草堂虛中天日月開寅正  
大地陽和啓泰初柏葉且傾千日酒椒花還獻萬年書  
春心合共南山老北極常瞻帝者臣

六日過法相寺即景

風煙匝地湖南路火砲連天剝鼓鼙曉日開山千嶂合  
初春禮佛萬緣齊行間棣萼晴相照醉裏雲霞盡不迷  
藉草更憐紛作隊傳花偏惜共招携

七日泛湖拜武穆祠感懷

人日開尊西子湖風僉水鳥漫相呼眼前得句興偏遠  
醉裏看雲山更紅武穆千秋遺寢在精忠四壁壯心孤

吹竽鼓瑟何爲者明月扁舟涕淚俱

元宵紀異

五夜燈闌盡雨還朝來晴日更開顏九衢故涴紅塵多  
萬里回看寶月閒火樹玉龍驚自翥風簷珠果落誰攀  
占年已得豐亨象樂事那從病眼慳

十八夜觀燈

元宵說有張燈禁底事今宵尚有燈節后香車人不斷  
更蘭釀酒興還乘九天涼月且姝麗一曲繁絃那沸騰  
歸騎却憐遊冶客落梅腔冷謾無憑

訪東隱呂選部和簡

君才鵬擊日圖南老我鷗涎祗自酣吏部文章說韓愈  
成都歌頌媿張堪明珠入夜拚同擲白璧誰憐唉且函  
匯水盈盈傍湖曲好開松菊徑三三

寄昆池乘判府刺德州

池鑿昆明漢代功至今秦產最豪雄龍光斗分占神物  
鶴馭湖陂見古風少府舊心民隱切大夫新沐聖恩  
隆春回北地陽和動憑仗南枝寄遠鴻

過新豐訪豐村憲長對酒用來韻

豐溪雨過澹雲容一棹三更唉語從勑水蛟魚應徙倚  
依人燕雀任遭逢閒情且醉風前酒勁節還參雪後松

爲說豐翁有仙骨好調丹鶴飯蒼龍

平湖過張經匯入淞泖謁儼山翁不得歸途感懷  
東湖夜發山陰棹海上思瞻長者居已失前溪迷去住  
更憐盡日費躊躇長帆可作迴風翼惡吏偏供入饌魚  
只尺雲華不得度晚煙涼月下郊墟

雙輓錢海石掌科父母兼輓內人

夕郎孝義重詞林底事三喪痛不禁鍾釜可期千日養  
琴簪端繫百年心丹成鶴夢雲天遠鏡破鸞悲海月深  
獨有玉龍池上寵泉堂輝燁共追尋

登大寧塔觀海東日出

浮圖海上出清宵。午夜扶乘散錦幖。黃道有天開日月。  
白雲無際見波濤。銀山萬折潮初上。玉宇三更鶴可招。  
絕頂高寒欲飛去。巡簷燕雀共飄颻。

簡贈魏長松海鹽令

十年藻思愧巴蜀。六載萍蹤滯海邦。循吏有情憐舊雨。  
故人無計換新腔。湖南早擬高賢並。江夏誰誇國士雙。  
此日漫遊出城郭。暖煙清吹度星旌。

觀海

東海千年滙百川。南廼五月蕩遙天。陽侯入馭蛟龍出。  
秦駐當關虎豹眠。今古大觀閒島嶼。乾坤變態失森岡。

聖明有道歌清晏萬里無塵莎草連

題兩溪號兼約新豐之游

烏溪一曲滌青溪君住春風溪水西雨過波分渾燕尾  
萍蓬蓬轉總鴻泥劫來尊酒花前醉別去舟航柳迷  
何日新豐尋舊約蒹葭秋渚漫招携

飲王雨舟山子題旅川畫

絕壁千峰削不成懸泉一道照還明蒼松帶月盤龍出  
翠篠含風撲鳳鳴流水琴心彈自遠白雲堦面坐來生  
主人漫興香初供客子閒情歌轉清

巢居紀異二首

紫燕准飛遙畫堂。堂前勝裏去來忙。泥融社雨金花重。  
繫引南薰玉剪涼。會見將雛生羽翼。更憐傍主近壺觴。  
一年一度傳新語。萬里春情說正長。

茅堂寶勝戶。高懸燕子來巢真可憐。夢轉細簾春未捲。  
祥開畫戟兆應先。日南仙履迴風駛。樞下瑤光散斗躔。  
謾說風流晉王謝。烏衣相認主人便。

天然圖畫閣。訪嵩陽白令尹。和衡山文待照韻。  
西湖何處更丹丘。况復槎迴星海頭。別去幾憐春草綠。  
相逢一嘆晤。煙浮山林興遠紅。塵夢枕簟涼。生碧樹秋。  
此日追尋圖畫裏。多君還卧最高樓。

晴軒曹太守雨湖話舊用雜山那太史韻二首

南北峰高嵐氣浮西湖煙雨舊神州空濛漫指黃金闕  
縹渺虛疑白玉樓淮海十年驚別夢武夷何日問仙遊  
相逢且醉尊前酒莫付閒愁江水頭

秋風蘋蓼滿江濱夜雨湖皋多水雲鷗鷺沙頭常比翼  
鳳皇天外不離群黃花媿我招新隱丹桂知君發早芬  
賢郎在座敢及之五馬一尊成繢綺九霄萬里寄殷勤

重登大寧塔

長夏登看海上山初冬晴日更躋攀九天不改風雲氣  
萬里真當虎豹關遠興幾從臨絕頂閒心早已出塵寰

洪崖指顧無多路笑拾金光去復還

題海月堂簡長松魏海塗

舊寺新懸海月堂白雲深護錦雲裝洪濤萬頃秋生漲  
皓彩三更夜有光何日皈依登覺岸竭來普照說慈航  
爲憐地主心如海喜見中庭月一方

詩輓邵吉甫毋孺人

燕山棠樹肇家聲南國分枝潤有情一夕萱花開並落  
百年烏鳥恨難平龍光雲冷鸞先翥鳳勒塵腥鶴自驚  
爲說宗門遺範在相夫教子慰平生

壽余古田七十

官趨簿領辭南服  
祿報春輝尚比堂  
刀筆早從王事便  
斑斕翻訏舞衣長  
幾多人得古稀壽  
七十年來鬢未霜  
更喜階前雙鷺鳥  
雲霄指日見飛翔

李少溪幕貴陽因簡南川西賓

牂牁江上晚煙明  
有客乘春一棹輕  
楊柳東風初軟軟  
芙蓉流水自盈盈  
朝趨幕府心猶壯  
夕贊藩垣思轉繁  
銅柱高標天萬里  
好憑魚鴈慰而兄

乙巳新正弘兄開燕吳山少長畢集有懷二首

正元五日登高會棣萼  
相將作勝遊  
七寶峰頭春日薄  
三茅亭子晚煙浮  
惠連興遠琴尊共  
康樂情深山水留

回首白雲棲野鶴修然骨髮伴林丘

曉日吳山多秀色九天開霽快登遊海門潮落空甲見  
湖曲月明杯面浮堤柳風煙仍裊娜林鶯冰雪尚淹留  
兒童爲探春消息折得梅花經遠丘

迎春和王霽山韻

東風簫鼓迎春至元夕開燈臘未歸火騎掣雲銀漢沒  
泥牛行地玉塵飛花間好鳥聲千種柳外紅妝翠一圖  
晚過天街仍月色不妨歌笑聞芬菲

元夕飲蓉峰宅和韻因餚霽山

當年燈火春三五今夕元宵昨夜春萬里東風吹綺席

簾疎雨浥芳塵葭莩向暖歎誰並桃李含情意未申  
見息尚在室故云醉聽隔隣猶鼓砲香車亦自過來頻

賀柳亭葉中翰進廷評和程齋老師韻

塵海論心二十年翻飛今喜快登仙春回楊柳風前別  
臘去松筠雪後堅棘寺新銜多雨露蘭臺舊選切雲天  
纏車萬里來耆碩玉管瑤篇洵有緣

東山蕭闇帥對酒和乩仙韻

將軍勒馬投簪早爲愛東山興味同曉日峰巒青入座  
春晴草樹翠含風劫來肯共紅塵老曲盡那教玉殲空  
報道回仙多錦思笙憧鶴駕月明中

送南泉楊道夫北上簡水竹居新主朱南川曹長

東風吹暖颺晴沙北部分枝柳未花老我十年淹水部  
多君千里上星槎子雲詞賦應難並伯起才名近可誇  
此去清淮尋舊約池亭尊酒照筠華

餞別許茗山襄府

湖南惜別牽絲柳花外分杯醉錦桃勝入瞿唐雄劒戰  
笑看灔澦狎風濤杜陵老去君誰共巫峽春來思轉驛  
媿我十年先蜀道艱難無計傍詩豪

飲別龍池王中翰再簡豐村湖山之約

池亭風日延芳駕折盡荼蘼滿樹花座上春情傳茗碗

燈前夜語盼京華揮毫此去龍光別耽旬年來崔夢餘  
矯首尊公消息近湖山坐酒一停車

錢別午山陳憲副無簡澹泉鄭和州同年

藝死簪從登薦後水亭今喜話生平故人金紫風前別  
憲節冰霜天外清洛上花深春未老湖南日暖柳先榮  
百年尊酒論知已萬里波濤心轉驚

明山連憲副進 萬壽表北上和燕山贈韻五首

燕山松檜鎖長煙十載湖山憶遠天柏府翛然來法駕  
茆堂率爾試賓筵開尊笑醉風前酒擊楫歌迴月下舷  
底事閔河分羽翼瑤行錦字下江邊

報到臺臣朝 帝闕忽驚雲外節旌飛駛車江郭衝朝  
雨回首山堂擦夕暉易冰珠幾元自別秋風鴻鴈未應  
稀從占舊誼開新帙玉管絳函信手揮

聖皇萬壽超今古百代勛華秩太常雲近南山來嶽牧  
天開北道見虞唐仙槎迢遙星河影上寵分明雨露香  
此去詞垣應有待知君千里更回翔

萍踪浪跡自沉浮萬感無端隱百憂老却花潭閒五馬  
多君金鏡獻千秋風高闌闊瞻宸極霞發崑崙醉羽  
丘只尺龍光真眷切鳳池簡注邁時流

春去園林花徑幽偶登花外盼春樓一簾烟雨紅香晚

萬斛風濤碧樹秋坐對清尊拚盡醉何當遠別動離愁  
閒情若箇如魚鳥地北天南好共游

題竹山

鳳皇山上多修竹夜月春雲見羽翰獨抱閒心甘自老  
肯將苦節向人歎百年且醉風林晚一曲長歌煙水寒  
欲托瑤琴寫幽況相逢何日爲君彈

壽南屏張道長母孺人八十孫坦葉子書致建業  
端陽獻壽蒲觴暖白下娛親翁錦明鸞鳳新倚呈上寵  
冰霜歷盡見長庚蟠桃青鳥人爭羨一日三公誰與并  
更喜乘龍有仙客槎回星海寄吾情深

壽崔岑車侍御父艮齋封翁七十簡會江門姚子  
江門野客占心遠傳致羅浮豸史情千里北移仙仗急  
百年南望壽星明龍章忽下臨初度鶴算旋應共大  
彭何事嶺頭梅早發長春元駐白雲城

詩輓沈孺人兼慰珠泉方竹賢橋梓

錦瑟當歌曲未終朱弦中斷思何窮即愁別鶴生新感  
况復啼烏怨落紅方竹影寒憐夜月珠泉淚滴下秋風  
梧捲砧杵傷心共何處招魂湖水東

丙午元日和楊月山叅戎紀顧龍川闔帥佳夢  
龍川變幻不可測元日夢飛龍上天桃花三月出高浪

楊葉百步成真傳伏波英畧亘今古銅柱氣槩餘風煙  
虎符談笑君在肘燕領封拜誰爲先

春正三日江上看潮志喜

初春出郭迎新候忽見潮生海上來萬頃寒光千丈雪  
九天佳氣一聲雷肯因逆瀨隨瀾倒好趁長風破浪回  
漫爾中秋傳盛事曾如此度更喧逐

和張宗伯玉谿廿司空几山柳亭韻二首

染翰明光新制草瞻心楊柳舊山亭飛揚不作風前絮  
去住真憐江上萍驛路傳情春可折官橋橫遂夜堪聽  
多君愛客繁文藻媿我裁詩藉寵靈

几翁谿老詩之傑館閣聯編賦柳亭筆落官商傳錦瑟  
風生劔戟動青萍尊前倚馬未爭羨月下步虛聲可聽  
千里束書來北道翛然江上見湘靈

送蓉峰中舍親丈之京

與君携手上扁舟不是乘春作伴遊千里風波心獨苦  
九天雨露望應酬杜陵耽吟真成癖阮籍臨岐豈解愁  
珍重此行急回首湖南花鳥爲君留

席上題春泉兼簡斯明賢契

昨夜溪頭春雨過朝來江上長新波桃花入浪灘聲遠  
芳草和煙野興多極目風塵飛不到忘情魚鳥謂誰何

秦雲東有蛟龍種一躍何年發太阿

登毘陵天寧寺塵外樓和白頤菴公韻

塵外閒心一倚樓短歌長笛共扳留千桃遍戶漢宮曉  
萬竹軋風湘水秋謾說仲宣當日賦番憐司馬少年遊  
空雨乘有高人詠流翰何妨樓上頭

過洛原白封部北庄水心樓話舊用前韻

天外紅塵不土樓風前野客最堪留青山坐酒能銷夜  
白髮當歌可柰秋此日煙霞思共攬當年舟楫憶同遊  
危帆濁浪驚心過鶴步鷗眠新水頭

再用壁間韻奉簡

斜日高眠未攬衣 溪頭閒却釣魚磯  
百年可共江湖老 十載何妨音信稀  
苦竹影寒依短砌 碧桃香暖傍幽亭  
東風回首蘇堤曲 好鳥花間喚客歸

塵遠堂前櫻桃千樹盛 開門外二銀杏 碓砈奇古  
約有飛翥之狀見 占天寵物建多年 各賦一首  
出陵郭外春藏寺塵遠堂前花近簷 一片錦雲晴不斷  
滿天香霧晝還添 風來笑眼全窺鳥雨過啼粧半倚簾  
何日驪珠三萬顆 湖南野客試步拈

禪閑一榻依雙樹 古木千年斷六根  
鐵榦榦牙心未老 霜皮剥落葉猶繁  
蛟龍此去乘春變風雨 長來白晝春

且作靈槎泛星海好陪博望問河源

塵遠堂和壁間唐荆川韻

怕河寬嶼苦難登遠却塵紛亦聖僧心上風波能解脫  
眼前紅紫任薰蒸真機早向空門得劫火無從方外騰  
聞說荊川有禪學因詩見道果誰能

吳葦村陳螺江移山館簡謝

春日來看桃杏園江涯裏接雙軒屏開隱見東山妓  
醉去還移北海尊風味滿前樽酒蟹江鮮一自重河豚  
鄉悰洽誼疇能答回首湖南勞夢魂

飲怡溪劉邑博蘇中話舊

丁酉科備卷第  
星兄從弟故云

彈掉菱溪揖故人春風堂上轉情親十年知已瞻心切  
萬里通家入夢頻笑對李桃曾看眼李憐花鳥若爲隣  
何時攬轡湖西路白日青天好具陳

鴈山陳子璹溫州樂清人謹重且精翰墨故云

十年前作鴈山遊今日逢君興轉幽天柱端疑蒼玉立  
龍湫飛灑錦雲流乾坤灝氣鐘應在河漢仙源近可求  
早晚乘風向丹壑青春花鳥爲誰留

壽虹川端大名母七十

昨夜西池醉玉京今宵南極報長生蟠桃自結人間寶  
青鳥空傳天外聲采石祥煙迷遠道陽平芳樹鬱春城

起居我欲千年  
禡防禦常宣萬古情

席上有感

雨過山椒江岸開恍疑身世醉蓬萊蛟龍出水驚還沒  
車馬衝泥去復來曇有好風吟遠樹不妨涼戶度高臺  
亭陰坐見雲霄翮誰說當年鶴未回